

671.3453
075
18

卷之十

列女志上

賢淑 貞烈 節孝

卷之十一

列女志下

節孝 附封贈
現在守節 附壽域

商城縣志

商城縣志卷之

知商城縣事榮河武開吉纂修

列女志上

賢貞

貞烈

節孝

古者婦人之德無非無儀所謂內言不出於梱也然
馮汭觀型江漢向化詩書載焉後漢書立列女傳嗣
後史家沿之匪後內行抑亦壺德足彰也商城處豫
之一隅自明成化時立縣上下數百年婦人女子或
以賢傳或以節著者卓卓有人至獻逆破城之際不
惟士夫捐軀殉國卽巾幗中植大義樹綱常者比比

何兩間正氣萃於邑之多耶

國朝綽楔之典凡輕生刲股者不與所以正人心厲風俗也而孝義兼全阨窮可憫者苟年例已符不分存沒皆得仰邀

曠典茲於賢淑貞烈節孝而外別區現在守節一門所以望其節之完抑以勉其節之未至也作列女志

賢淑

凡二十七人

楚

孫叔敖母叔敖爲嬰兒時出游見兩頭蛇殺而埋之

歸見其母而泣焉母問其故對曰吾聞見兩頭蛇者死今出遊見之母曰蛇今安在對曰吾恐他人復見殺而埋之矣母曰有陰德者天報以福汝不死矣叔敖後爲楚相

從許志

明

吳氏周澤妻澤年十二代兄繫獄父母相謂曰如吾女何氏慨然曰父母有命媒妁有言女卽周氏婦矣待字母家及笄請命于歸與童僕同掾作先業得勿墜及寃雪澤筮仕親迎年蓋三十五矣生于

二詔謙側室子三讓誦訥以孫汝弼汝璣貴誥贈

淑人晉贈夫人

節家傳

國朝

廖氏進士陽城令熊偉妻刑部右侍郎右副都御史

熊奮渭之母也 旌表建有貞母直臣坊

從許志

詹氏儒士高必成妻事舅姑孝相夫以道生于臨三

歲氏口以孝經內則臨悉能句讀凡諄諭於庭除

者皆由盡訓子之法姑歿事繼姑尤孝繼姑舉一

子年三而殤哭之慟兩目喪明兼染沉疴氏躬

紡績爲藥餌朝夕祈禱願以身代姑尋愈兩目復
明執氏手曰此賢婦之力也未幾詹以疾卒不及
視臨成立賴嫂漆養育受室陶氏性賢淑嫻內則
歸高臨後克相其夫事伯姑至孝時臨家緒中落
又值歲饑陶父憐其窘苦欲移令就養氏辭曰女
高氏婦捐夫家不顧非義也姑雖逝舅尙存且夫
少養於伯姑今不奉事非孝卒不聽後舅臨終時
有幼子宗洛穉而多疾囑氏曰此子無依唯汝是
賴氏惻然受命維持保護迨至成人始終如一氏

終鮮兄弟父母先後去世家殷實而無嗣族人利其產謀競奪之氏建議宗親之近且賢者以承父祀遂克保其宗祊夫歿于依仁敦仁學雖已成猶時提訓如童子時依仁貢成均敦仁博士弟子員諸孫皆能讀父書悉氏之遺教也依仁妻周氏善事翁姑歸高三載生子皓未幾夫染沉疴親侍湯藥夜不沾寢者年餘夫歿教子有方躬紡績課子讀書足跡不離閭闔里人有三世賢婦之稱敦仁娶固邑周氏生子畋年十八娶氏母家姪女甫一

載旼殞時媳年十九無子哀痛絕食氏以撫嗣大
義勸之乃忍死守節立旼從姪爲嗣教養成立苦

節四十二年

從郡志

楊氏諸生黃燦妻封邱訓導渠女弟事翁姑以孝處
妯娌以和每以孝義訓子孫及年老病床猶以治
家睦族爲念呼諸孫床前語之曰世之不才莫不
以貧困及失學所致汝祖曾欲立義學舉義田未
果汝諸父又先後夭亡迨吾在汝等當聚合族查
其丁數舉義學義田以教養貧困子孫汝祖願遂

吾亦瞑目矣言訖而逝享年九十六歲諸孫承訓
卽捐田建學塾俾族人世享其惠孫九人入庠食
餼者五人曾孫十七皆力學克世其業嘉慶間累
受 誥贈人咸謂孝義所致云 從郡志

王氏楊一德妻年十八歸楊嫻內則善事舅姑舅爲
乾州牧名世第三子慷慨好施尤加意親隣氏竊
喜謂家人曰積金不如積書積書不如積德吾舅
所積者德也時出已財助之姑卒一德應試汝寧
去家五百里急不能至氏視含殮不遺夫毫髮憾

夫歿遺孤撫養成立督之甚嚴嘗取古忠孝節義之事及先世德行政事有成蹟可考者覆其半令

射之中則色喜不中則面斥而正其非有小姑字於周備衣奩厚嫁之及歿遺二子一女爲教其子而育其女又嘗見老嫗赤腳行雪中氏哀之爲糜食竟日成厚屨履之而去自是來者日不勝數氏漸不給而好施愈不倦年七十二卒五子皆諸生

孫文驂歲貢生文駟乾隆辛卯魁於鄉曾孫嗣勉

壬子舉人嘉慶八年請

旌

節郡志

張氏諸生黃紱繼室年十九歸黃黃年長過半張不以爲怨前室遺一子三女氏亦生二子視之如一長子雲萬生孫篤愛尤甚閱七年紱亡家貧子衆時以紡績佐誦讀及長子補諸生喜且泣日前之所以不死以余無裨於黃反貽諸子女憂也今得報吾夫地下矣遂遭疾謝祈禱屏醫藥一病不起守節共八年年僅三十五歲

節郡志

彭氏生員周士俊妻有士行適俊十數年無子勸夫

納妾生子熙無何夫妾俱歿勤女工達旦不寐時

家奴數輩乘孤寡有叛志彭立叱之皆懼服迨于
補諸生乃喜曰吾苦志二十年乃有今日可瞑目
矣尋無疾終

節舊志

楊氏周逾錢繼妻明大義夫性樂施與每濟人氏必
力贊成之夫卒仍踵夫之行遇歲冬製棉衣數十
百件遣諸子分出四郊見寒者畀之未嘗告以姓
氏又嘗以米穀助里巷貧乏數十年不倦周姓修
家譜鐫工子姓數十人氏數招集其家供飲饌人
頌其德則謙退曰非能好善惟勉繼先夫志耳子

七作源作穆作醇皆受 封作淵作洵作澍作鴻

列仕籍以淵官 贈宜人媳陳氏作淵妻賢孝有

姑風痛姑之亡哀毀得羸疾隨夫淵任每以慎刑

保赤相夫子夫姪耀幼孤氏撫之逾已出戚黨至

署者悉厚助之自奉一崇儉約教子皆成名

節家傳

任氏熊珍繼妻珍素封緣少孤外患叠起僕某以誣

良搆珍上下申訴經年始白家道中落氏出粧資

助夫經營衣不帛食不肉親捺井臼家道漸起前

室子啓蕃甫四齡撫如已出長養教誨授室成家

族親有貧乏者恒周恤之數十年不怠年八十餘

而終

節家傳

楊氏庠生何其峻之妻年十二翁天衢病劇用世俗
冲喜之說娶氏過門翁歿姑張氏引繩欲自經氏
跪哭姑前叩頭流血姑怜而撫之時烽火未寧張
以憂患餘生忽聞楚警不食而死氏助峻治喪葬
鮮不中禮孝敬原於天性生二子長太學生秉恕
次歲貢生秉恬諸生皆入庠曾孫允徽進士除內
閣中書年七十八終

黃氏歲貢生何秉恬妻幼嗜書史通孝經年十九于歸事翁姑能盡婦職相夫成子竟嚴互用夫堂姪珮幼孤氏撫育至於成立爲之授室鄰有梁采者不戒於火氏出錢募人救之不獲僅掖其弱女出氏留養五載出簪珥嫁之歿年七十六隣里哭弔者無虛日

胡氏洪巍元妻年十二受聘父嫌婚孤貧誑以將適親族實別遣之氏至則剪髮刺項投水投繯衆不能闕鳴之官邑令許大異之以鼓吹致於洪賜額

曰水心山立事繼姑婉婉聽從姑病刲股肉雜羹
以進生子三秉良廩生秉理歲貢生南陽府訓導
秉瑄力學早卒孫會泮遊者甚衆年九十有一以
子秉理官 贈孺人

賈氏封員楊裔賢妻年十九于歸越六載夫歿氏苦
節課子嘉年讀書夫兄嫂歿遺一女攜持保護一
如已出誠之曰汝家固貧惟女紅可自給苟稍怠
饑寒迫之矣嘉年任粵嘗謂媳李氏曰吾聞敬姜
勞逸之說矢之終身汝夫雖薄得祿奢靡之習宜

商城縣志 卷之一
共凜之李氏相夫子理家政如其姑嘉年卒於官
囊無餘物李奉姑歸養仰事俯育取給於十指猶
以其美周恤姻黨課子極嚴寒暑罔懈子鯤以選
貢登賢書歷仕牧令清操自勵綽有父風人多歸
其功於其祖母暨其母云

黃氏庠生楊克純妻孝孀姑和妯娌恤奴僕姪文驛
甫八歲父母相繼亡氏撫育之延師課讀自入庠
及授室生子二十餘年如一日鄰里過從不知其

爲猶子也氏生子三長歲貢文驛次監生文驪次

辛卯經魁文駟而驛于嗣勉亦以壬子領鄉薦人
以爲賢淑之報云

楊氏明經王振曾妻嫻姆教明大義孝事翁姑能得
歡心夫性友愛樂施氏克勩之偶不給典奩資助
曲體其志七旬不衰子世珊世瑚登賢書孫皆蜚
聲黌序

潘氏張永吉妻翁姑病刲股者再宅近村溪澣衣必
以昧爽人罕覩其面與同懷兄對字十五年未嘗
一過曰吾聞親在歸寧兩親俱歿吾誰歸乎兄將

他徙始一歸話別夫不事生產氏勤針黹兼耨鋤
以佐之時爲婉諫卒亦感悟居城東之二道河土
論賢之

郭氏監生楚煦妻幼嫻姆訓事翁姑孝處孀妹與孀
弟婦恩誼曲至好善樂施歷久不倦夫堂弟某幼
失怙恃勸翁夫收養冬編夏葛一出氏手及長課
讀授室多方成就

盛氏陳上達妻家極貧播遷入陝父以老病不習

土迫于同歸氏與姑流落他鄉姑病七年不

以十指爲生活疲瘁其取食之卒不起氏
含殮適得十四齡胞姪相借丐食負姑骨而歸
人義之

王氏孝義張爾銘妻性婉順兩歲失恃撫於從母無
忤言歸張值姑病癘侍湯藥寒暑無怠姑歿事繼
姑潘尤謹能先意承志爾銘多義行氏相之無少
斲人稱其賢

陳氏湖北陳某女乾隆乙巳大饑氏甫三歲從父母
就食于邑南山東冲農民馬文高爲子啟賢聘之

無何陳攜妻孥歸病歿子亦歿寡婦孤女與馬氏
闊絕者十八載戚族有爲議婚者母將諾之女曰
女子從一兒固習聞字東冲馬氏矣而背之不可
乃謀踐盟女負擔母攜杖跋涉抵東冲氏母猶依
稀識其居址叩門求宿不許強而後可談次微及
婚嫁則啟賢將聯姻他氏瀕成未果也時文高年
已八十餘氏母從容出向日盟書高爲感泣曰世
有重義執節如氏母女者乎遂爲子擇吉諧伉儷

焉

黃氏國學生周廷燁之妻姑久患痰迷氏侍巾櫛澆
滌澹惟其所欲二十八年不怠及翁瀕危夫焦勞
成疾氏刲左股雜湯餌以進翁尋愈厥後每與人
述翁姑輒涕泣不自已姻婭族黨莫不嘆孝婦云
周氏編修黃任萬妻明大義任萬幼撫於兄嫂氏歸
事兄嫂如翁姑嫂祝氏歿遺女三氏長養嫁之任
萬少績學後官京師氏主中饋操家政教于恤姬
井井有條不遺任萬內顧憂

按賢淑一類必賢如公父文伯之母淑如梁鴻莫甚

之妻方堪無愧乃邑多名媛巾幗中亦知好義仁如東關保梅王氏佛中保吳徐氏竹下保王氏捐貲助修義學胡太寺保徐張氏北關保氏捐稗以爲義學脩脯之資高誼卓卓屬在人共垂不朽矣

貞烈

凡四十二人

明

黃氏余永泰之妻庠生惟吉女也夫卒引繩自經

覺而解之五日防少弛遂經而死年二十三奉

旌表坊建於余思銘公祠右

從郡志

喻氏桂客之妻正德七年遇流寇於廟子崗劫之不

從大罵而死賊平客收其屍面如生

節許志

盧氏盧樽孫女許字張氏子將嫁張氏子死女欲徃

父母不從遂哽咽而死

從許志

晏氏女許字儒生蕭煥煥歿父母欲奪而嫁焉遂

經死邑令建祠祀之

從許志

夏氏儒士高仰碧妻碧歿氏縊而死

從許志

謝氏二女生員謝維翰女及笄未嫁逆獻之亂城垂
破翰泣謂曰賊將辱汝乎皆曰父自求活二女雖
弱無憂也賊入罵不絕口皆被殺

從許志

沈氏貢生楊所條妻汜水司訓楊廷母也獻逆來攻
與妾王氏相抱投池死

從許志

陳氏尉氏教諭黃卷妻事孀姑二十餘年克敬克孝
逆獻破城罵賊死

從許志

王氏生員王寬妻生員王倓女城陷賊迫寬運草穀

氏同負入崇福寺西階賊揪寬髮日聞汝是按院

姪嘗作火藥傷吾衆必殺汝氏曰彼非按院姪我
乃按院姪女耳與先殺夫寧先殺我引頸就刃遂
被害

從郡志

朱氏生員彭商哲妻獻逆欲犯之大罵不止賊以刃
割其腹

從郡志

楊氏生員任容妻生員炳女也夫歿守節城破不屈
死女任氏適諸生高侗城破匿菽水園中賊搜出
罵不絕口殺之

從郡志

熊氏生員何士洪妻逆獻之亂洪守東門城陷氏偕

次女壽姐避於密室爲賊所得欲挾之去熊誘賊有金珠匿後圃將出以獻賊信之及井顧謂女曰能與我俱乎遂同躍入水死

從郡志

王氏楊維鉞侍妾城破王盛服坐中堂賊入王罵曰何賊大膽敢進仕宦內室賊挾之去大罵不絕賊怒殺之

從郡志

喻氏諸生洪郇妻事翁姑至孝賊來與鄰婦謀同竄賊擁至投於水賊掖出水蓬首垢面大罵不屈賊

怒遂遇害於亂軍中鄰婦逃歸白其口處夫弟郁

往尋之於髮中得簪珥焉乃舁而葬之

從許志

汪氏儒生藍斯茂妻城破被執大罵不從死之

從郡志

卜氏太學生王儋妻無出勸夫納妾生一子儋病危
托之撫養城破被執卜哀乞曰寧殺我無殺兒賊
竟殺之卜以頭觸賊大罵不已亦被殺

廖氏沈察之妻城陷不食死

從郡志

汪氏小字祐延父隆邑指揮城破合家被難延僅以
身免適傅學博良弼子三麟傳故武安人良弼解
組挈子歸延依長姑洪氏洪卒徙金剛臺守貞三

十餘年音耗隔絕瑩瑩一劍艱苦脩嘗作隱憂
以見志屢寄書三麟俱不報最後石工附一書去
比三麟至延死已兩月矣

按婦人從一而終夫在適人爲不正故夫在守志者
爲貞夫歿適人爲失節故夫歿守志者爲節汪岳
邑人稱爲節婦而未有以表揚之余憫其亂離中
六十日夫婦而自甘盤錯於三十餘年之久殆有
合於貞者正而固之義與因置主祀之而顏其祠

爲貞婦云

國朝

黃氏生員熊學乾之妻年二十六夫亡無子氏屢投
繯皆以救不果越數月家人防之少間乃縊於柩
側死之二十有七年事聞始獲 旌表 從郡志

邱氏周宏基妻基歿遺孤三歲父兄欲奪其志邱知
其不可回乃給之日再嫁固宜但當一薦亡靈耳
衆信其言邱乘間逸出踊身跳池塘中水淺僅沒
其腹乃偃卧水中死 節郡志

彭氏程家瑞妻夫死無子兩族勸以嫁不可歸依父

母亦不可數日再勸給曰吾夫三春胼胝待薦新
徐商之由是適墓悲啼風雷罔間百日齋醮畢雉
經桑樹下

節郡志

周氏諸生黃約繼室結縵三載約以病歿氏送夫柩
歸窆卽自縊死事聞 旌表

從郡志

楊氏劉廣母夫亡遭鄰人柴禮闖戲遂羞忿自縊

從郡志

唐氏年十五適盧次五年夫死遺二子伯叔逼嫁之

唐曰吾兒幼稚穉賣我則活殺吾兒矣尋年父母亦

勸之曰我之所以不死者以兩兒幼也俟稍長我自
有以自處矣奚逼爲越十年己未歲饑抉草根
樹皮以食兩兒以餒乏致病麥將熟乃泣對父母
曰麥熟兩兒有命吾事畢遂哽咽而死

節郡志

陳氏舉人張榮宗妻年十六歸張家故貧氏篝燈佐
讀相夫成名榮宗尋病故無子時翁姑停柩在堂
氏拮据營葬三柩畢乃投繯死邑令親爲吊唁諸

生黃約等請 旌如例

續省志

黃氏沈生妻諸生黃峻女幼侍父側能識內則及列

女傳女史箴大義年十七適沈生沈家故貧處之
怡然沈病顛天請代及歿痛不欲生顧念翁姑年
邁乃矢志守節代夫養親鼠憂泣血三年服闋翁
姑欲嫁之知不可奪乃與媒密計誘之他所而遣
焉氏廉其實閉戶雉經而死

節郡志

黃氏鄉耆黃有信之女字某氏年十五未于歸而夫
故聞父母爲之議姻以死自誓後父母相繼逝依
姪世長世明守貞六十二年

王氏周懋學妻乾隆五十五年二月二十六日夫故

於二十九日殉夫

馮氏職員馮恢女許字同邑子張惟翼年十七于歸
有期惟翼遘暴疾亡訃到女顏忽慘變家人覩其
異愼守之女佯爲言笑如平時會女有伯父喪衣
練衣素裙繫縞帶乘間逸出上下縫紉其衣赴旁
舍跳馬櫪自經死一時巨公多輓以詩乾隆六十
年旌如例

張氏丁道稷之妻年十六于歸十七夫亡婚未百日
也稷父母具存祖父母尤愛憐之既寡晨夕定省

後依祖母側每垂涕日兒念含飴之恩涓滴
夫忍殘生代若孫酬萬一耳歲乙卯氏於堂
後者探嘗言祖姑壽且百歲入而白之且喜
且意將有不及待者會新歲展拜既畢鍵戶自
縊而死孀居八年得年僅二十四

李氏孫家福之妻十七于歸十九夫歿父母欲嫁之
不應翼日赴夫墓痛哭歸抱孀姑哭不已及夜靜
投水死

王氏謝承恩之繼妻無子夫歿勺飲不入志在必殉

節哀治喪塋畢投繯家人救之越二日出反閉內
戶服衰絰而經年蓋二十有三也嘉慶元年旌
如例

宋氏三山里宋某女適曹氏子曹有痼疾越明年曹
死氏年方十九哭之屢絕誓以死殉姑令立嗣撫
之氏念始絕無何父母欲奪其志氏覺投水死邑
侯某以烈映寒潭表其閭

漆氏女許字沈姓女年十九婚有日矣而沈亡母密
締他姻女知之遂自經死事在乾隆丁巳年邑增

生熊啟冀爲烈女行以紀其事

會氏易文思妻年二十二夫故遺女一五歲子二長
三歲次週歲有田百畝伯氏覬其產欲奪而嫁之
氏知不免借子女赴水死有頃幼子漂於沙石鄉
黨憐而救之依堂伯文壽成立里人爲立碑紀其
事

丁氏董有光之妻年十八于歸一月而夫逝氏視含
殮畢入暗室自經以救免母與姑姊至諭以守節

撫嗣大義輟泣佯應之及母反行未數里而氏復

雉經死

熊氏許中行妻夫歿投繯

從省志

熊氏女字陳緝會未婚夫卒矢志守貞

從省志

節孝 凡一百一十六人

明

盧氏生員盧大乾妻夫歿于天錫甫八歲氏甘貧守

節辛勤教子後天錫舉萬歷癸卯鄉薦

從郡志

王氏生員段尙綱之母夫死年十九守節依弟照居

九十六乃終照官京師凡有家信必先詢氏安否

雖醫愛姊實敬其節

從郡志

羅氏魯賈張森母夫歿森甫三歲羅紡織自給賓祭

婚儀如夫存日人稱其節而有才

從郡志

洪氏生賈吳頽妻年三十頽死於賊或勸改適洪曰
我德薄不能有後於吳而辱吾夫乎乃依弟洪郁
四十年而卒

馬氏監生馬繩武妻檢討剛中女武年二十九歿三

子俱幼值辛巳城陷顛沛流離事姑教子苦節四

十餘年七十有四乃終

桂氏黃燿妻燿弱冠歿桂年十八無嗣割耳矢志姑
吳氏病刲肉療之奉事二十餘年不倦邑紳贈詩
傳成集邑侯儒學督學皆表其間

節許志

王氏袁鎔妻年二十刲肉療夫病卒不起守義撫三
子成立蓋二十餘年矣偶夢與夫語既覺不言其
故遂絕食死

陳氏部卽王照妾也北京人照卒於京邸家人意其
必改適陳扶櫬歸里以縞素終其身

節郡志

國朝

周氏鴻臚序班劉必源妻年二十餘夫亡封髮自矢
以支子繩先嗣先甫入泮又亡撫兩孫以守兵燹
之後家道寒薄氏食苦自若年八十二乃卒

從郡志

楊氏諸生熊大成妻事翁姑以孝稱夫歿乏嗣氏年
二十六撫夫從姪荔苞爲嗣家極貧氏嘗典釵供
苞讀書教育有法早入縣庠其諸睦族範家俱有
賢聲里邨稱之

從郡志

孫氏陽和道洪應衡妻辛巳城破應衡殉節氏尋尸

殮塋誓死守貧三十年如一日

從郡志

周氏生員余湜妻塋夫日卽爲合壙矢死守節紡織

度日年逾五十歿卒得同穴

從郡志

張氏廩生熊轅妻轅隨父任舟抵吳門夜行船頭失足而溺氏遽投水以殉翁姑責以大義遂剪髮自誓時子奕久生甫十月奕昌遺腹張千里扶柩歸里邑遭兵燹廬舍皆墟乃攜孤棲金剛臺鬻產塋夫紡績以給又念其子之廢學也遷固陵擇師訓廸午夜孤燈垂涕課讀年四十卽髮白齒落子奕久舉鄉薦奕昌膺歲薦三省總督白以柏舟完節

撫軍卽以徽婉敬姜表其間年八十有一乃卒雍

正五年

旌如例

節郡志

張氏諸生賈文杰妻夫歿與妾誓守三十年教子遊

庠事聞

旌如例

從許志

汪氏生員周禴妻夫歿先爲合壙自視爲未亡人姑

有三子不能奉養汪勤織屨竭力孝養如禴存日

雖饘粥不繼勵志愈苦年七十餘終

從郡志

楊氏生員鄭瑁妻舉人楊國柱女夫歿年二十餘矢

志守節淡泊自甘而終

從許志

饒氏生員張于京妻夫卒子女繼亡族姓凋零家無

童僕隻身苦節年逾七旬卒

從郡志

洪氏諸生王璪妻年二十四夫歿事舅姑養葬成禮

撫嗣子光炳入庠苦節六十三年八十六歲卒

從

郡志

楊氏吳情妻十七歲于歸合卺四月夫歿無子矢志

奉舅姑生事死葬成禮撫嗣子思成入太學守節

七十年八十七歲卒

從郡志

張氏年十六適諸生何天衢生一子其峻衢病劇張

割左股療之顓天請代侍湯藥年餘未嘗合曉衢
沒氏悲號三日縊於柩側姑陳氏覺而救之曰若
死固得矣奈幼兒何強哺以糜粥姑病又割右股
以進茹素三年聞楚省兵驚乃稱疾不食而死事

聞 旌如例

節許志亦
載省志

李氏汪尙忠妻忠歿氏年二十五遺二孤皆幼李矢
志守節養姑教子歷三十年家以漸裕姑金氏年
八十觀察孫公錫扁曰閭範上壽子時祐以司椽

考選經歷氏年六十餘歿

節許志

瞿氏貢生盧詔卿妻順治丙申歲詔卿赴選卒於都門時長子五歲次三歲幼子尙遺腹瞿盡變家財移柩歸塋日夜紡織課子讀書次子謙游庠幼子訥有文名無何俱歿家道蕭條兩世未亡人夜雨悲號人不忍聞

從郡志

高氏劉清妻十六歸清二十九夫歿或勸改適高曰吾有三稚子何以嫁爲截髮慟哭矢死靡他歷四十年三子成家五孫三列青衿僉稱節母之報云

節舊志

余氏易化妻年十六歸化三十而寡生子三矢志撫

孤四十餘年家業漸昌子孫繁盛後無疾而逝年

七十有八

從郡志

會氏增生周建侯妻侯少有文名屢躋場屋賁志早
歿會年未三旬上奉雙親下撫二子稱節孝者內

外無間言次子望臣游邑庠好學能文

節舊志

洪氏周作第妻年二十三夫歿孝事翁姑撫嗣子廷
理子亡撫孫成立苦節四十四年六十六歲卒

從

郡志

趙氏諸生李士适妻年十七適李越四載夫故一子亦殤氏矢志奉舅姑存歿盡禮撫嗣子倫延師教誨成立守節六十三年八十三歲卒

從郡志

張氏陳宏妻年二十三歲夫歿奉姑至孝姑病噎食不下咽氏以乳乳之病得愈撫一歲孤成立督責甚嚴歷節五十餘年

從郡志

吳氏吳禧妻本姓洪年二十夫故無子立姪世基承嗣撫養成立與夫兄及諸姪同居終身無間言守節三十年年四十九歲卒

從郡志

商州縣志 卷之十一
廖氏張鳴曉妻夫歿家貧無子欲投繯弟諸生四通
勸之曰能死固節能守亦節獨不念四通斃獨乎
乃依弟而居紡績自給茹苦四十餘年至七十乃

歿 從郡志

金氏周應直妻夫歿金年二十二長子二齡次彌月
寇變饑饉勤針黹易脫粟擇師課讀次子召學成
各立負人倫雅望焉年六十九歿 節許志

程氏吳志標妻年十八夫歿一子亦殤氏欲投繯翁
姑力解之乃躬搽作事翁姑姑歿氏益無所依仍

歸母家紡績自活四十餘年

從郡志

黃氏李珽妻年十九歸李三載夫故事翁姑至孝撫
子龍等成立守節五十年學憲湯以慈孝可風表

其間

從郡志

會氏陳良遂妻年十八歸陳三載夫故時王姑舅姑
皆在堂兩子方襁褓家無餘貲氏朝夕拮据事畜
無缺鄉里賢之

節郡志

楊氏陳啟學妻年十五歸陳越四載夫歿誓不欲生
數投纆皆以親族救免矢志守節勤紡績撫三

歲子成立投室生孫未幾子又夭與孀媳撫孫以

延宗祀苦節六十二年八十一卒

從郡志

陶氏彭開基妻二十三夫歿孝事舅姑撫五月子成

立姑歿又撫夫四歲幼弟成立歷節六十一年年

八十四卒

從郡志

馬氏李學書妻夫亡子幼氏歸倚其父成龍未幾子

亦夭立族姪爲嗣茹苦守節逾二十年卒

節舊志

管氏孫允敬妻年十九夫歿氏無所出撫夫姪璋爲

嗣時璋甫三歲氏盡心鞠育教之成立璋弱冠卽

補邑諸生 從郡志

廖氏州同熊學顯妻年二十四夫亡止遺一女立
姪啟充爲嗣掾作守志盡心鞠育充質魯績學領
壬申鄉薦爲邑人望後以

特恩拔國子監丞乾隆十四年 旌如例 從郡志

熊氏洪苞妻年二十四夫歿孝事舅姑並撫兩子長
成倫入太學次耀南補諸生守節六十一年八十
六歲卒 從郡志

陳氏盛以約妻年十七歸盛二十四夫故僅遺一女

贅婿高維賢卽以爲嗣改名盛克家援例入監事
孀姑至孝治家勤儉守節五十四年學使湯以金
石盟心旌其門年七十八歲卒

從郡志

雷氏監生高安仁妻年二十三夫亡孝事祖姑及翁
姑翁姑歿祖姑猶存年八十餘雷侍起居奉甘旨
倍加調護乾隆九年 旌如例

從郡志

李氏諸生吳緒伯妻十七歲于歸五載夫歿上事孀
姑撫幼子之英入泮英歿遺孤學淳又撫之亦列

庠序守節五十六載乾隆二十八年 旌如例載

大清一統志

節郡志

洪氏張世德妻年二十夫歿子僅週歲家貧如洗姑欲令改適氏堅不從養親撫子艱苦備至子受室生子旋以病亡氏又撫孫成立乾隆二十六年

旌如例

從郡志

汪氏洪天材妻年二十一夫亡撫孤養姑孝慈兼盡性尤好善樂施親鄰老幼廢疾者與之衣食數而不厭守節五十一載年七十三卒乾隆九年旌

如例

從郡志

熊氏盛世龍妻年二十五夫亡翁姑停柩在堂子以
爛僅三歲家貧如洗氏躬親搯作苦積五年始舉
翁姑及夫柩歸塋於祖塋教子慈而有方爛既冠
卽補弟子員乾隆元年 旌如例 從郡志

周氏諸生王程之妻年二十三夫亡無子氏卽剪髮
毀面以自誓時姑歿氏閉戶紡績越三年出所積
貲延親族勸翁再娶後繼姑生子不育氏恐絕翁
祀撫夫從姪光瑄入太學生三子乾隆十六年

旌如例 從郡志

熊氏諸生李芝妻夫亡氏年二十五哽咽曰一死易耳如姑老子幼何由是上養孀姑撫子時新入泮
乾隆二十年 旌如例 節事畧

熊氏周天奇妻年十九適周翁姑已見背熊奉從翁姑能盡孝敬越二載夫亡生遺腹子撫之成立子受室生子尋以疾亡氏又撫遺孫成立乾隆九年

旌如例 從郡志

廖氏邑庠生周建官妻年十七于歸相夫子篝燈佐讀無虛夕年二十七夫歿撫九月孤宜臣成立邑

侯許旌其間曰冰雪爲心苦節五十六載年八十

一終

王氏舉人楊一道妻夫亡守節四十九年教子克繩
讀書以歲薦授儒學訓導孫三文蔚文鑰文峰俱
領鄉薦文幟增貢生曾孫嗣寶嗣煌俱食餼人以
爲節孝之報云乾隆十年 旌如例 從郡志

喻氏庠生楊秉棟妻年十八歸楊夫病刲股和藥年
二十八夫歿撫子庠生卓越職員諱成名苦節六

十四載年九十有二卒邑令陳以冰操鶴齡表其

聞孫七其馨增生其蔽天文生曾孫十一心鑑庠
生心鎔庚申舉人元孫一十有三

王氏庠生陶國璧妻二十二歲而孀一子天遺一女
女既嫁隻身苦節五十六年七十八歲終邑令李
旌其門曰志貞壽永

熊氏周天臣妻夫卒撫孤成立爲子作綴娶媳任氏
育一子廷瑄而任卒作綴繼娶於熊氏之姪也無
何作綴亦卒媳奉姑共撫一子數載氏歿媳獨撫
之授室生子人稱兩世節母云氏矢志五十年

商州縣志 卷之十
旌如例媳苦節四十三年卒

賀氏貢生熊名駒繼妻夫歿以剪刺喉幾死衆救得免矢死無他事聞撫憲給額旌之

周氏熊明祚繼室夫逝以田捐宗祠織紉自給苦節四十餘年

洪氏王祚恒妻年二十六夫歿遺一子歿義不獨生引錐刺喉以頭觸堦皆不死母姑曉以大義意稍解翁姑病焚香籲天願以身代及歿哀毀骨立且夕上食哭聲動鄰里邑令李表其閭日節孝全徽

嗣子越會振會皆成名

王氏熊渾妻夫患中消善食多饑氏調羹嘗藥竟夜無眠者累月及夫歿無子以姪傳本嗣哀毀忍死上事翁姑撫子傳本補諸生年七十一無疾逝乾隆四十五年 旌如例 見省志

程氏張皓義繼室年十六于歸逾月夫病侍湯藥衣不解帶比月餘夫故氏再投繯均以姑救免事姑至孝撫嗣至嚴以子振翔攸縣知縣封孺人乾隆四十六年 旌如例

商州縣志 卷之一
三
吳氏監生洪莊繼妻年十七歸洪孝事翁姑撫前子
成性如同已出年三十夫歿子入泮家道稍裕無
何亦先母卒氏撫孫履謙監生履益庠生苦節凡
二十九年壽六十歲

郭氏 贈奉直大夫黃緒妻年十九歸黃夫故遺
一子家故貧日夜紡績孝養翁姑後翁姑相繼亡
氏塋祭以禮教其子師萬人庠年五十終乾隆五
十二年請 旌如例以長孫思瀚 贈孺人以

次孫思宸晉贈宜人

纂郡志

王氏黃綬妻年二十夫亡無子撫夫姪爲嗣代夫事
翁姑曲盡其誠翁姑喪塋之費皆出氏女工贏餘
不以家貧廢禮乾隆二十八年 旌如例 從郡志

黃氏王逾曾妻年十九歸王越三載夫故一子繼殤
氏號慟幾絕以姑老無依矢志奉養立姪爲嗣教
育成立守節三十七載卒乾隆三十七年請 旌

如例 從郡志

鄧氏楊克綵妻年二十夫故無子矢志奉哀姑色養
兼至撫嗣子文駟延師誦教以義方守節五十

九載七十九歲卒

從郡志

漆氏鄧錫禮妻年十九于歸越四載夫故奉姑撫孤

守節三十餘年

從郡志

花氏余世道妻幼賢淑明大義年十八歸余卽爲族里所稱不二載夫歿氏飲鴆投繯絕而復甦者再嘆曰死吾分也求死不得以吾之事有未盡乎時舅姑皆在堂遺孤未離襁褓遂矢志守節勤搯作奉老撫幼以終其身

從郡志

彭氏諸生葛永熾子婦年十六于歸越三月夫歿矢

志奉舅姑色養兼至遺腹生子撫有成立人推其

節從郡志

何氏監生楊克綏妻年十七歸楊孝事舅姑子二先是綏祖人龍塋邑南長冲岡堪輿家言上提承氣可撥科第但不利長房綏曰祖父母獲安兄弟發甲絕我何害定議遷之未幾綏果亡二子亦殤氏時年二十奉養八旬孀姑撫姪爲嗣畧無怨言苦

節五十二載年七十有六卒節家傳

王氏黃維妻年十七歸黃越三載夫故無子時舅姑

已逝氏哀號數投繯皆以親族救遂毀形廬夫墓
側紡績度日守節四十三年卒

從郡志

崔氏諸生倪之俊妻順治十四年舅與夫皆死於盜
氏獨存有身越兩月生子世聰撫育成立守節六
十餘載年八十五卒孫瑛璐皆擅名庠序子孫繁
衍人以爲苦節之報云

從郡志

楊氏余有極妻夫歿遺孤甫三歲姑年七十餘家貧
氏矢志奉姑撫孤成立守節四十四年

從郡志

張氏姜成妻適姜四載夫故遺孤宗孔未離襁褓氏

矢志守節紡績度日撫養授室未幾宗孔又故氏
同孀媳汪氏撫孫鑾成立汪亦善承姑志兩世節
孝里黨稱之

從郡志

王氏吏員何秉智妻年二十于歸越三載夫故遺孤
甫七月舅姑年皆衰老氏勤緝維養老慈幼無何
于又夭折乃立姪爲嗣守節三十年

從郡志

吳氏諸生羅璽妻年二十五夫亡孝事翁姑生養死
葬盡禮無憾子四皆教之成立乾隆三年饑氏出
穀賙貧之人皆重其節而推其賢乾隆十六年

旌如例

從郡志

金氏蔡廷瑄妻年十五于歸未一載夫故數投繯皆
姑救免遂矢志奉姑孝養備至姑歿哀毀盡禮撫
嗣子成立守節六十三年卒

從郡志

余氏諸生黃雲萬妻年十五歸黃未三載夫故遺孤
甫一歲未幾孤殤姑以哀致疾氏侍藥無倦姑卒
殯葬皆如禮又撫夫兩幼弟超萬兼萬成立守節
四十五年

從郡志

王氏陳宗虞妻年十六于歸越六載夫故矢志奉舅

姑克盡孝道撫一歲子成立守節五十七年卒

從

郡志

張氏監生余秉質妻光山諸生張履女幼嫻閨範及

笄適質能得堂上歡質歿撫三歲孤鈞成立守節

二十餘年卒

從郡志

楊氏監生張書紳妻夫歿奉舅姑至孝病奉湯藥晝

夜不倦歿視含殮盡哀盡禮撫夫弟及子延師課

讀成立守節三十七年

從郡志

方氏諸生楊洪緒妻適楊四載夫歿事姑至孝撫二

子棻集孫永煌皆入庠守節五十餘年

從郡志

陳氏湯連妻年十六于歸越四載夫歿氏號泣誓欲
從夫以親族力勸乃忍死守節勤紡績奉舅姑立
夫姪爲嗣撫育成立歷節五十一年

從郡志

周氏余潮妻幼嫻閨訓及笄適潮卽能得舅姑歡心
不數載夫歿子橋甫四歲氏矢志守節奉舅姑先
意承志使怡然無復喪子悲教子以義方未幾子
夭撫孤孫督課尤嚴不稍縱弛人以爲有古賢媛

風從郡志

楊氏諸生何毓珣妻普寧令克緝女年十九夫歿無子投繯自縊以母救得甦遂矢志奉養舅姑撫嗣于守節三十四年五十三歲卒

從郡志

武氏諸生何毓珣妻州庠生武勳長女年二十于歸二十五歲夫歿無子氏欲以身殉以舅姑耄老無依忍死守節家貧借鍼黹以供滌灑鄉黨重之歿年五十六歲守節三十二年嘉慶八年請旌

郡志

從

余氏邱正言妻歸邱二載夫歿奉孀姑陳至孝撫嗣

子光裕成立守節三十年

從郡志

楊氏謝珩妻年十五于歸未一載夫歿以舅姑在堂

矢志奉養舅姑繼歿夫弟璧尙幼氏撫養成立烈

成均璧生三子以長子爲珩嗣氏珍愛不啻己出

里黨稱之

從郡志

吳氏雷正時妻年二十一夫歿家赤貧一子方襁褓

氏茹苦撫孤守節三十一年卒

從郡志

彭氏余秉禮妻年十六適余事舅姑以孝稱越八載

夫歿撫兩孤延師訓誨俾各成立守節七十年

從

郡志

劉氏年十九適諸生吳起次子天根未半載而寡矢
不欲生翁姑泣喻之而止翁姑病割股者再姑沒
事後姑以孝聞翁姑俱歿營塋畢曰吾向爲翁姑
偷生今尙枉活乎遂投井被救不果井水爲香由
是人稱孝婦并嗣子朝夕環泣氏亦泣乃撫之成
立苦節四十九載年六十八歲卒

見郡志

吳氏諸生秉鉞女贅婿洪應嶼更名吳之瑄未四年
瑄繼鉞沒氏年二十三割股者再遭孤顯謨延師

訓迪以廩貢在濟源縣司訓女一善詩文適郭氏
以賢淑聞苦節三十餘年上憲表其門事載天下
壺儀錄

張氏吳之屏妻年二十六夫赴都遇盜死氏誓以身
殉翁姑以撫孤勸止盜既獲搬柩營塋教子學洙
學泗力田自給苦節五十載年七十六歲卒 旌
如例

熊氏黃正萬妻十九于歸四載夫歿無子僅一女氏
矢志靡他事太姑與姑至孝教嗣子思灝讀書成

立守節三十二年年五十四卒乾隆四十五年

旌如例

沈氏監生周可徵監名駿發之繼妻年十八歸周四載生子之澄越二歲而夫歿沈晝夜哀號誓以身殉時祖姑暨姑猶在堂泣曰周氏單傳藐孤危如一綫矢志同穴與養老撫孤孰爲重輕可勿念乎氏遵姑訓毀容守志事姑歿塋祭成禮苦節三十

九年六十一歲而終子之澄監生孫文述州同乾

隆五十八年 旌如例

見州志

宋氏周作覩繼妻年二十于歸未及月而寡義不獨
生五絕粒再投繯以姑救免立嗣子廷黻舉五子
黻亦逝氏撝作勤苦內修家政外禦凌侮教孫聆
等以結鄉鄰睦戚族家道日亨苦節四十年六十
五卒乾隆六十年 旌如例

吳氏李炤妻夫歿氏茹檠飲水苦節終身嘉慶元年
旌如例

楊氏張映椿妻年二十三椿卒子承淵甫三歲撫孤

苦節三十餘年卒嘉慶四年 旌如例

余氏王佩妻年十八于歸甫一載夫故無子矢志事
姑三載後嗣子輔政生撫爲己子孝慈兼盡苦節
三十一載歿年四十有九嘉慶七年請旌

楊氏諸生丁洪猷妻年二十三夫故守節五十一載
七十四歲卒嘉慶七年請旌

楚氏張瀛妻年十九于歸越二載夫遭疾顧楚曰予
病且不起如弟幼母老何楚泣日願以婦代子職
夫歿氏承歡堂上爲弟浥延師授室治姑喪哀戚
盡禮弟生子啟薰遂以爲嗣守節三十二年五

十有八終嘉慶七年請旌

王氏吳方儀妻二十二歲而寡孝事翁姑割股者再撫襁抱遺孤至於成立苦節三十二年卒

雷氏監生高暉妻年十六于歸七載夫故子甫二齡茹苦飴辛四十六載年六十有八終

李氏監生高昉妻年十九于歸數歲夫故無子二三房各以一子爲嗣苦節四十餘載年七十而終

岳氏國學生丁夢弼妻笄年誓栢舟子監生九如甫三齡苦節四十四載年六十四卒

周氏增生楚才杞妻年十七于歸二十九夫故無子
立姪煦爲嗣守節四十三載年七十二終

趙氏庠生丁健妻二十三夫歿二老在堂一孤在抱
氏以媳代子以母兼父苦節五十七載年七十九
卒雍正丙午邑令楊表其閭曰冰玉同聲

謝氏何秉國妻年二十于歸織紵佐讀越五年夫歿
事翁姑苦節三十七載年六十三而終

謝氏庠生王珂妻年二十二于歸二十七夫故上事
孀姑下撫幼子苦節三十九載年六十六而終

張氏熊家典之妻二十七歲夫亡遺孤甫一歲搽井
臼勤紡織奉姑教子苦節三十七載年六十一歲
卒

任氏王以鎬妻年十八于歸二載夫故事嗣翁姑及
鎬本生母盡誠盡禮撫子成立苦節二十五載卒
年四十五歲子祚生請於 學憲以茹苦飴辛旌
其門

王氏楊鯉之妻年二十于歸二載夫歿撫遺腹子維

廉入成均苦節二十三載年四十三卒

也氏幼喪明十八歲歸何名揚越年而揚卒翁老氏拮据以供甘旨翁疾氏刲股覓刃不得嚙肉以進冬服單衿夏衣鶉絮曰吾未能殉夫忍以絮葛自適乎年四十八卒苦節二十七年

趙氏岳懷之妻年十七于歸夫故孝事孀姑撫于峯青成名苦節二十一載卒

方氏李天成妻年十九于歸越五載夫歿遺子述僅二齡翁姑皆年邁氏奉親撫子茹苦自甘無何述與媳相繼歿氏撫孫士寬成立守節五十一載卒

嘉慶七年請旌

商城縣志卷之十一

知商城縣事榮河武開吉纂修

列女志下 節孝

現在守節

節孝 凡一百一十八人

徐氏庠生王謨繼室年二十歸王前室羅遺子畿並
一女皆在襁褓氏撫之如已出生二女越七年夫
卒七月而子福生事衰翁典鉏鬻屐及歿喪葬盡
禮教二子績學補諸生三女遣嫁壻皆歿長子畿
及所出二女又歿次子福連喪三媳孫數夭折計

南坡縣志 卷之十一
氏一生哭夫哭婿女子媳及孫五十年間無虛歲
學憲王以栢操松齡表其閭年七十七而終

王氏薛文煥妻年十九夫故撫子及孫正乾九十有
四終

章氏張盛懿之妻二十五歲生子鳳旭而寡守節五
十四年七十有八終

鄧氏生員許宏妻夫故撫子士悰補諸生卒年八十

一

章氏張載嶽之妻甫九齡以翁病來歸十九合卷越

九年生二子而夫歿又二年長子殤教次子寬嚴
備至苦節四十八載年七十七乃終

會氏楊譜妻年十八于歸二十八夫故事翁姑撫子
女孝慈兼至苦節四十七載年七十五歲而終

姜氏錢貴妻二十六而寡家極貧子天鍾十歲天佐
五歲兄嫂欲奪其志氏百方自解善理家及兩子
成立遂致充裕年七十二乃卒

董氏余起龍妻年十七于歸二十八夫故子方週歲
撫育入成均苦節四十五載年七十有三而終

晏氏州同李時夏妻年十九于歸二十三而寡矢志
撫二子成立苦節五十載年七十有三終

徐氏固始諸生俊女諸生吳虞妻早寡繼姪爲嗣守
節四十三載年七十二歲終

黃氏庠生郭雲林妻年十八于歸三載夫故無子苦
節五十載年七十有一終

王氏劉 之妻年二十一夫故撫子學興年七十
一而終

鄧氏生員楊誦妻年二十五夫故事翁姑撫子女以

孝慈稱苦節四十五載年六十九終

王氏周嗣元妻二十四歲夫亡翁老家貧竭力奉養
撫嗣子如所生六十四歲卒守節四十年

吳氏適江南監生白宗賢賢歿氏年二十五歲守義
營塋翁姑撫夫妹及三女出嫁因夫家無依後歸
母家守節卒年五十三歲

梁氏生員吳棟妻年十八于歸夫故孝事翁姑撫子
鼎勳成立年四十五卒

韓氏吳毓才妻年二十五夫歿子慧方八月守志撫

孤三十五載年六十有一卒孫建中時中曾孫善述

張氏竹元壽妻二十八歲夫歿年六十有二卒

李氏吳天材妻二十一歲夫歿孝養翁姑撫姪書蘭爲嗣五十八歲卒

孫氏王廷璧妻二十三歲夫歿矢志撫孤五十六歲卒
李氏雷克成妻二十六歲夫故孝事翁姑年五十一卒

吳氏十八歲歸庠生曾永清次子世策半載夫歿撫

嗣成立四十九歲卒

陳氏吳森妻年二十夫故孝事翁姑撫子監生世熙
成立年四十九而終

張氏馬傑妻年三十夫故絕粒誓死者七日衆以事
翁姑撫弱嗣愷切勸慰始留餘生苦節三十六載
學憲夢表其閭

沈氏譚正清妻年十七于歸未數月夫歿日再投繯
以翁姑力救免啣哀日久抑鬱成疾年二十六而
卒

劉氏董良士之妻二十五歲夫歿遺一子癸孝事翁
姑撫子成立苦節四十載年六十五歲終

李氏丁爾公之妻年二十八夫歿遺子榮遠甫七歲
澤遠甫四歲有悍族覬其財產諷氏改適氏攜二
子逃母家避之撫子成立苦節六十三載年九十
二終

周氏增生賈晰理繼妻年二十一于歸前室于甫三
月撫育如已出越一歲而寡守節六十二載年八

十三卒

洪氏馬國念之妻年二十七而寡無子一女方七齡
或勸改適氏曰吾有女可依壻固半子也乃贅壻
于家搯作勤苦孝養翁姑苦節五十七載年八十
有四而終

喻氏監生羅四極妻年二十七夫故苦節五十餘載
年八十有五卒

王氏羅錡妻年二十四夫故無子立姪廷法爲嗣苦
節三十七載年六十有一終

彭氏周廷勳妻年二十五夫歿遺子之齋苦節五十

七載年八十有一終

徐氏周廷鎮之妻年三十寡撫子之楹成立守節五十七載年八十有七終

劉氏羅廷源妻年二十七夫歿守節三十餘載年六十歿

孫氏周之動妻年二十六夫故苦節三十五年卒

彭氏馬元安妻年二十二生子璇甫一月而安卒璇年十九歲生子大倫亦甫一月而璇卒氏兩世鞠

育苦節三十六載年五十有七終

蔡氏周作羅妻年二十生子廷斌數月而夫歿廷斌甫成立亦歿氏惟寡媳是依苦節五十三載年七十有二卒

羅氏周作標妻年十七于歸生子廷楊甫一歲而寡未幾楊亦歿孫駿甫四歲驛甫一歲氏以養以教二孫皆有成就苦節四十五載年七十有一卒

張氏丁世彬妻年二十二而彬歿遺一子授室五載亦歿遺一孫與媳張氏共撫之苦節四十載年六十二卒媳撫孤亦十餘年

黃氏黃廷猷之次女廷猷無子贅熊連城爲壻卽以爲子生一女無子撫其族子家萬爲嗣復勸夫納妾郭氏逾年生子家學未幾夫歿氏年二十九親老子勸借郭氏以養老撫孤爲己任課二子讀書成名苦節五十二載年七十有一卒郭氏苦節亦年七十

何氏吳思忠妻年十九歸吳時忠已病篤五閱月而歿氏視含殮畢閉戶自經以救免翁姑諭以大義乃止時忠同懷弟二人尙幼氏奉親厲節五十四

載後立夫弟子元標元浩爲之嗣年七十有三卒
孫氏吳行常之妻年二十于歸生一子越七歲而寡
教子訓孫苦節四十五載年七十有三卒

周氏生員李懷良妻年三十而寡遺腹子載宗越三
月始生氏矢志撫孤守節五十載年七十九卒

王氏黃龍官妻年二十四而寡矢志苦節五十六載
年七十有九歿

洪氏朱時近妻年二十九夫歿漆氏朱時選妻年三
十夫歿皆無子二氏出奩資勸翁納妾生叔時元

商英縣志 卷之十一
時貞掾作成家里郇賢之洪年七十有三終漆年
六十有七終

楊氏周廷謚妻年二十而寡無嗣時夫兄廷詩夫婦
俱逝遺一子之聖氏撫之成立無何聖亦卒氏與
其妻彭氏撫遺子文莊後文莊生五子人以爲兩
世節孝之報云楊年七十有五無疾卒彭苦節四
十五載年七十有一卒

何氏吳恪妻年十八適恪生一子世圻越八年恪卒

氏飲水茹檠撫孤成立年六十而卒苦節三十九

載

戴氏漆萬國妻二十二歲寡生遺腹子如澥苦節三十六載年六十有八卒

張氏吳元勳妻年十九于歸逾年夫故氏孝事孀姑撫弱弟幼妹成立以胞姪秉慧爲嗣苦節三十九載年五十有九卒

謝氏吳世垣妻年二十適垣越五年垣歿遺子甫三齡亦不育立堂弟世圻之子德錚爲嗣苦節三十載年五十有五卒

彭氏吳忠陸妻年十九于歸生一女越二載而寡家
貧如洗事繼姑三十年不衰苦節三十四載年五
十有四卒

鄒氏晏成緒妻十七于歸越三年夫歿遺子文典甫
週歲姑方氏老耄卧病齒牙脫落氏含哺以養凡
十三年不倦守節二十二載年四十有一歲卒

邵氏王遠蔭繼妻十九歲于歸越一年夫故前室李
遺孤甫三齡且多病姑洪氏年已就衰氏仰事俯

育苦節五十三載七十有二終

謝氏洪天柱妻年二十有四而寡子炘娶張氏一載

而炘歿張時年二十無子氏立夫兄天機之次子

燃爲嗣娶吳氏四年而燃亦歿吳時年二十有三

亦無子氏爲張立其夫兄炎之子啟培爲嗣爲吳

立其夫兄熙之子啟壘爲嗣壘娶周氏舉二子又

歿周時年二十有六撫二子長銖娶劉氏二年相

繼歿無子次鑰娶吳氏二年論歿吳時年二十有

二亦無子一門五節謝年七十有五卒張年六十

有三卒吳年五十有四卒周年五十有六卒吳氏

年逾四十今尙存

王氏監生楊克生妻年十九于歸越五載夫亡無子
鍼帶度日年六十外無以自存依夫表弟曹雲從
年八十有三卒苦節六十載

楊氏監生謝璽妻振貢生楊克維女年二十八夫故
無子一女既嫁氏無所依歸母家終焉苦節三十
五載年六十有三卒

張氏洪熾妻年二十七夫故苦節三十三載年六十

有三終

張氏何毓芹妻年二十一夫故遺一子甫週歲針黹
度日撫子成名苦節五十二載年六十有七卒

孔氏年十六適庠生邱大禮踰年夫亡越二十年夫
姪正時生乃以爲嗣與其生母張共撫之正時補
諸生守節六十一載年七十有八終

何氏丁聖爵妻于歸二年聖爵歿無子撫嗣子人傑
成名苦節三十五載年五十六卒

王氏漆如祥繼妻年二十三歸漆越五載而寡家貧
撫子苦節三十九載年六十有七卒

張氏熊啟菱妻十七于歸六載夫故撫嗣子家潤成
立苦節三十餘年卒

劉氏監生王志道妻年二十于歸九載夫歿苦節二
十八載年五十有七卒

周氏麻城監生周華元女年十九歸黃家驥八載家
驥卒無子氏投繯幾斃以救免孝事翁姑立夫弟
家馴之子懋爲嗣守節三十二年卒

張氏李之道妻年十九于歸越四載而寡無子苦節

五十七載年七十九終

李氏賈媛妻十九于歸二十九夫歿以仲氏子爲嗣
仲氏盡售田產攜子去之氏獨居空宅四壁蕭然
饗殮不給苦節四十五載年七十五而終

張氏周廷鏘繼室年十八于歸生子之篁甫八月而
夫故苦節四十四載年六十有三卒

花氏郭維智妻年二十六夫亡子方六歲氏灌園圃
勤緝紉以事翁姑歉年採薇而食守節五十八年
八十有四卒

羅氏監生貢馭平之妻二十九歲夫故遺子秉元孝

事翁姑鞠育遺子教之入庠苦節五十四載八十有二而終

花氏吳孟賢之妻賢歿氏年二十有六子紹魁甫五歲苦守成立未幾子媳繼逝又撫三孫道宗道儒道時成立苦節五十六年八十二而終

黃氏余瓊良之妻年十八歸余七載夫歿遺孤振弒甫歲餘姪甫七歲氏撫之俾俱成立子卒撫孫徽猷徽音入庠守節五十五年八十而終

雷氏楊繹妻二十五歲夫歿事姑極孝治家甚儉撫

子心佐成立歷節五十五年年八十卒

許氏梅妍之妻年二十六而寡教子盛揚入庠揚歿
撫孫秉鑑成立苦節五十五載年八十卒

饒氏監生湯典玉之妻年二十三夫歿子建功甫週
歲氏矢志撫孤五十七載年八十終

李氏羅豪妻二十一歲而寡撫子乘鳳成立子故諸
孫幼又撫之春明春瑞皆入監苦節五十七載年
七十七卒

黃氏李琦妻二十五歲夫歿治家勤儉撫子惠普成

名守節五十三載年七十八卒

楊氏生員鄧悅妻年二十九夫歿長子學泮三歲次子學灝甫十三日家無中資養生送死四十餘年士林哀其節請於學憲錫額曰完貞踐孝年七十

五乃終

程氏岳章程妻年二十六夫故姑病籲天求代病尋愈撫諸孤嚴慈並濟孫環東監生曾孫敦元庠生守節四十六載年七十二卒

邱氏劉天位妻年二十七夫歿撫子文耀成立苦節

四十五載年七十一卒

楊氏庠生趙致魁妻年二十而寡撫九齡姪士智入庠持家勤儉守節五十二載年七十一卒

曹氏適林貴年二十四貴病危執手泣曰我死若嫁如弱息文選何氏方雪梨乃斷其二指誓曰一以殉葬一以表心夫死紡織撫孤閱二十四年而選又歿與媳秦氏同撫孫士能淡泊自甘教養曲至曹年六十九終秦七十四乃終人稱林氏雙節

劉氏楊德盛妻十七于歸四載夫故撫前室子楊嘗

人庠于故又撫孫監生其經成立年六十九歲而終

王氏李經綸妻年十九于歸二十四夫故家無斗筲戚屬有欲奪其志者氏以死自誓立姪珊爲嗣又天苦節四十四載年六十八而終

熊氏吳天桂妻年二十三夫歿上事翁姑撫一子錦成立入長房爲嗣以孫純一承本支祀守節四十五載年六十七歲卒

方氏王興仁妻二十二歲而寡撫姪斗明成立守節

四十三載年六十四卒

胡氏余珽之妻光山胡宗之女年十九歸珽夫歿遺腹生子永傳氏年二十二歲苦志奉侍舅姑撫傳成立守節四十三年而卒

程氏黃必仁之妻年二十六夫歿無子姪崇元甫一歲撫爲己子守節三十四載年六十一歲卒

段氏諸生沈瑒妻年二十八歲夫歿撫子作鑾成名守節三十四載年六十二卒

李氏庠生陳道心妻年二十二夫歿撫嗣子燦成立

守節四十載年六十一卒

王氏諸生蔡綸妻年二十八夫故善事衰姑撫嗣子
方蘭成立守節三十二載年六十歲卒

毛氏徐大任妻于歸生子光曜甫週歲而夫歿孀居
三十七載年六十一而終

李氏趙偉妻年十六適趙三月而夫亡奉翁姑撫子
煥宗成立苦節三十九年五十五歲卒

吳氏余永傳妻吳思恭之女年十八于歸生子溍甫
八歲夫歿遺腹生子洵苦志事姑撫二子授室孫

中恂中柱皆入成均年五十四卒

王氏吳天穉妻年十八夫歿無子立胞姪錦爲嗣上
事翁姑守節三十五載年五十二卒

張氏倪作盤妻年二十一夫歿僅遺一女以姑命立
嗣子守節三十一年五十二而卒

吳氏余厥明妻年二十四夫逝長子家法甫二歲次
子家訓尙遺腹撫二子成名苦節二十六載年五
十而歿

李氏吳天英妻年二十一夫歿一子夭立姪孫爲嗣

守節二十八載年四十八卒

胡氏年二十二適馮承爰爲室二載而爰歿氏投繯者再皆以救免遂椎髻布裳搯作勤苦佐嫂氏黽勉持家矢志靡他苦節五十四載嘉慶八年請

旌

雷氏貢軼妻二十歲夫歿遺子秉信僅三齡撫之成立授室郭氏生子文銓而信亦逝始媳孀居雷年八十卒苦節六十年郭亦守節四十七年現年六

十九歲

趙氏武生倪定邦妻二十四歲夫歿撫子端入成均
守節四十四載年六十九卒

余氏張鐸妻年二十二而寡遺子以德甫二歲苦節
五十六載歿

祝氏萬鏢妻早寡無嗣事姑孝郡憲朱表其廬曰貞
媿松筠守節五十六載年七十八終

周氏庠生郭瓊林妻年二十二于歸三載夫故僅育
一女年五十有二卒

胡氏主職妻夫歿孝事翁姑撫孤庠生畹蘭成立年

六十一卒

胡氏栢致和妻十八歲于歸孝事翁姑二十八夫歿撫二孤瑄璠成立守志五十三年八十一終

洪氏王柱妻年十九于歸二十三夫歿生二子一女事姑至孝育子成立次子士元餼于庠苦節五十年卒

張氏劉世德妻年二十八而寡二子岌應亦早逝遺孫克明克新姑媳相倚紡績撫孫年七十三終

趙氏趙天理之妻年二十九夫歿遺子監生惠普友

五歲矢志撫孤三十五載年六十三歲

吳氏周登年妻十七子歸是年夫故無子立姪國楷
爲嗣紡織度日苦節四十六載年六十三而終

傅氏張潞妻年十二以姑病來歸十六成婚二年生
子啟良甫六月夫死苦節四十七載年六十四而
終

周氏固始國學生周圖成女年十七適高昝半載夫
卒氏栢舟自矢撫嗣子其度成立入泮年七十一
歲終

商州縣志 卷之十一 一
郭氏葉永秀妻年二十九夫故撫子春發春旺成立
守節五十三載年八十有四終

曹氏葉春旺妻年二十六夫故氏撫子瑞夔成立事
孝翁姑夔歿又撫孫逢時得時守節五十一載年
七十有七而終

潘氏周廷炤妻固始庠生潘宏江女年二十九夫故
親老子少家無餘物勤紡織上事下育苦節五十
二載年八十一歲卒

王氏庠生王承筠妻固始王汝襄之女十八于歸二

十七歲夫歿遺一子二女既而子亦夭立夫弟子
宗冉爲嗣年四十有三卒

謝氏黃璉妻年十九子歸六載夫歿無子以夫姪文
括嗣矢志守節五十三載年七十有二而終

石氏王興禮妻夫故無子守節三十載年六十而終
李氏彭國松妻年十九子歸未一載而夫歿遺腹子
焯越三月始生氏上事翁姑下撫嬰孩成立焯後
與媳相繼歿遺三孫俱幼辛勤撫育四十餘載年
六十三而終

張氏彭庶之妻年二十夫歿遺一子堪法既婚三載亦歿氏守節三十載年五十而終

洪氏徐愷公妻年十七于歸三十夫故守節六十載年九十而終

廖氏周作樂妻二十二歲夫歿家故貧紡績以養翁姑撫一女出嫁苦節六十四載年八十五卒

高氏熊啟青妾二十一歲啟青故遺腹生女一守節四十載年六十卒

彭氏陳志道妻年十六歲于歸二十三歲夫歿遺一

字方四歲年四十一歿

附割股 凡十人

見郡志

國朝

石氏李曜妻姑周氏病危石年甫十三焚香籲天割

肉爲羹以進及盛暑姑視其臂創廢逾寸泣曰吾

累賢婦多矣

見郡志

庠生高岳峙妻楊氏夫出應試姑病危楊籲竈請代

割肉以進尋愈

見郡志

張氏附貢生李炳之妻年十五歸炳隨翁時發高陽

醫所侍祖姑病服藥無功潛割左肱以進祖姑尋
愈現年七十有五

楊氏諸生吳文浩之妻楊鷲之女姑病日久氏剖肉
和羹以進姑尋愈

郭氏鄉耆黃秉璋妻姑李氏病篤呼天求代剖肉和
羹姑卽痊

方氏諸生吳起妻以翁姑病刲股者再邑侯陳伸表
其廬曰媿美韓劉

見郡志

周氏濟源縣訓導吳顯謨妻姑病刲股邑侯陳表其

廬曰孝性天然

見郡志

馬氏陳才全妻姑病刲股

陶氏廩生楊文驥妻文驥病氏刲股和藥死而復蘇
孫氏胡全經妻父病刲股

按刲股輕生

旌典不與邑婦女頗多愚行其有賢烈可嘉節孝符例者
既各以類從室或因父母舅姑丈夫之病一時發
於室性亦難概從泯沒因倣光郡通志之例附志
於後隣其苦衷非借以風世也

現在守節 凡一百七十八人

管氏諸生黃超萬妻年二十夫歿矢志撫一歲孤思
齊成立未幾思齊亦故立從姪爲嗣子以承夫祀
現年八十三歲守節六十三年 從州志

顧氏庠生郭煦妻年十九于歸越九年夫故氏號泣
欲絕事姑存歿盡禮教子成立家無積儲而性好
施與乾隆乙巳饑貸房有曹氏者將鬻妻求活氏
令子奔走稱貸三日不可得乃脫敝裘典錢賙之
時值除夕家無擔石之儲弗計也于培德己酉舉

於鄉現年七十九歲嘉慶七年請旌

鮑氏李士達妻年二十三夫歿無子奉養舅姑守節

五十年現年七十有四

從郡志

楊氏熊家淳之妻年十九夫故無子事舅姑姑亡翁
得痼疾嘗藥調羹二十年不怠撫夫弟灑授室以
長子傳頴嗣苦節五十載乾隆五十七年旌如

例現年七十

從郡志

周氏監生吳方侃妻年十七歸吳兩月而寡姑疾侍
湯藥維謹歿盡哀禮撫嗣子文湘入庠乾隆五十

四年 旌如例現年六十六歲

汪氏孝廉王世珊妻世珊卒於京邸氏年二十八事翁姑孝教二子霖霽次第入庠現年六十有四嘉慶七年 旌如例

楊氏監生李思彭之妻十六于歸六載夫歿立嗣子守節四十二年現年六十二歲嘉慶八年請 旌
宋氏黃珍妻十八歲于歸二十夫歿以姪黃維曾爲嗣守節三十二年現年六十二歲嘉慶四年 旌

如例

秦氏吳世炎妻年二十夫故撫子從九啟城監生啟
域姪監生啟堂恩勤無異現年五十有五

張氏孫仁緒妻二十五歲夫故姑久病割股以救現
年五十有五子發新道新

彭氏楊彩妻年三十寡養姑撫孤飲水茹檠四十七
載現年七十七歲

熊氏黃策萬繼室年十六于歸越三載夫故撫前室
子思灝思法成名乾隆五十八年旌如例現年
七十四歲

商城縣志 卷之十一 三
汪氏楚煜妻年十九而寡立夫弟安居之子漢章爲
嗣守節五十五載現年七十有四

王氏諸生楊鯨妻年十九于歸夫歿遺孤亦殤立胞
姪維瀚嗣守節三十四載現年六十三歲

洪氏余中書妻二十一年于歸生二女無子而夫故饑
寒交迫矢志靡他守節四十載現年六十四歲

熊氏高其功妻年十八于歸九載夫故撫子長罇次
錄成立守節二十五年載現年五十二歲

余氏李汝機之妻十七于歸四載夫歿無子時翁姑

在堂以胞姪廷珏爲嗣余早夜拮据奉老撫幼守節三十二載現年五十三歲

熊氏庠生王煜曾繼室十八歸王撫前子世璿世璣不啻已出數載世璿歿夫亦歿痛夫哭子誓不欲生以聘媳熊氏矢志守貞乃與族戚謀同一室並織度日苦節三十餘載現年五十五歲

鄭氏監生高維川繼室廩生誠之女年二十于歸三載夫歿遺子潰幼氏撫育成立苦節四十載現年六十一歲

姜氏高映側室也年二十映卒生遺腹子微坡
入泮苦節五十一載現年七十一

王氏黃文拓妻年十七于歸六載夫歿立夫姪爲
養親教子現年四十九歲

張氏王睿之妻十七歲于歸二十五歲夫歿遺一子
無子繼胞姪立經爲嗣紡織度日苦節二十七歲
現年五十二歲

丁氏曹德之妻氏二十九歲夫故現年六十三歲

余氏劉和妻年二十五夫故撫子慎德成立現年

十二歲

王氏吳世榮妻年二十八夫故茹苦矢志撫子啟坤
成立現年七十歲

郭氏張作聖繼妻年二十一于歸八年夫故日事紡
績上事下贍撫子應貴至於授室數年子媳相繼
亡依夫兄世笏笏亦亡孑然一身苦節四十一歲
現年七十歲

劉氏彭烈妻二十八歲夫故現年七十二歲
劉氏方大德妻年十九夫故現年七十有五

商州縣志 卷之十一 三
邱氏劉國城妻年二十一夫故立胞姪鑑爲嗣現年七十有二

張氏文學之妻二十四歲夫故撫子在漢成立現年六十有五

羅氏楊大富妻年二十一夫故撫子光耀成立苦節四十五載現年六十六歲

馮氏固始庠生郁文女吳錦秀妻二十六歲夫歿守節三十六載現年六十二歲

曹氏劉耀祖妻年十九夫故立胞姪生員劉維垣爲

嗣現年六十有一

任氏監生高元仁妻十九歲夫故現年六十二歲

石氏監生高暉妻二十八歲夫故現年六十四歲

閔氏陶居仁妻二十一歲夫故現年六十歲

孫氏韓國寶妻年十九夫故撫子東海成立現年六

十有三

楊氏王之祿妻二十六歲夫故撫孤鎮成立現年六

十一歲

汪氏雷瑄妻年二十生子是年夫故氏紡績撫孤越

二十年爲子授室又十年子亦歿憐媳趙氏叩所志趙曰爲姑也婦豈有異轍乎同撫一女今又五年矣氏年蓋五十五

王氏梅汝琮妻年十八于歸三年夫故無子夫兄春元先娶盧繼李繼陳舉四子無乳氏嚼米汁飼之賴以成立乃以次子紱家爲之嗣兄亡事孀母以孝撫四子以慈邑令普以松筠著節邑令武以女中丈夫表其閭現年五十一歲

張氏吳世鳳妻年二十四夫故撫子監生啟培成立

現年五十一歲

羅氏殷起鳳妻二十四歲夫故現年五十六歲

汪氏生員朱殿輝妻年二十九夫故無出庶生三子
撫育成立現年五十二歲

吳氏余致顯妻二十一歲夫歿茹苦守志奉親撫孤
現年四十有九

蕭氏熊體中妻年二十夫故撫子林成立現年四十
有八

王氏余致放妻年二十五夫故現年四十有七

楊氏鮑珊妻年十九于歸舉一子甫周歲而夫歿苦節二十五載現年四十七歲

鄧氏余振性妻年二十一于歸四載夫故無子立姪爲嗣守節三十四載現年五十九歲

余氏劉均妻十八歲于歸越五年夫故無子事孀姑守節二十七載現年四十九歲

屈氏鄧載盤之妻二十五歲而寡苦節四十載現年六十五歲

楊氏方旺妻二十五歲夫故撫子永舉成立現年六

十有一

漆氏羅廷澤妻年二十六夫歿撫遺孤授室既而子婦相繼歿復撫幼孫成立苦節五十餘載現年八十歲

吳氏羅廷淙妻年二十二夫歿苦節四十餘載現年七十歲

張氏庠生邱本禮妻年二十有二子歸逾年夫歿一子正時出繼長房與嫂孔氏共撫之守節四十一載現年六十有四

余氏周作援妻年二十九夫歿無子以姪廷燦嗣苦節四十載現年六十有八

洪氏李芳名妻夫歿勤於紡績上事翁姑下撫前室三子成立苦節五十餘載現年七十有三

張氏監生何象臣妻年二十二夫歿撫子國遇成立苦節五十餘載現年七十六歲

張氏洪鑑妻年二十八而鑑歿無子事翁姑以孝聞一女字謝正棫亦寡氏現年七十女現年四十有

吳氏鄧傳妻年二十九而寡撫一子紡績度日苦節
四十一載現年七十歲

周氏杜永沛妻年二十三而寡遺腹子秉桂越三月
始生撫孤守節三十八載現年六十一歲

周氏蔡紹孟妻年二十五而寡矢志守孤苦節三十
載現年六十三歲

方氏朱萬才妻年三十而寡遺二子幼行乞自養不
數載二子俱發撫一孫茹苦三十五載現年六十
五歲

石氏廖明選妻年二十而寡越四月而遺腹厚封生
矢志守孤四十七載現年六十七歲

余氏朱紹魯妻年十六于歸越五載而寡姑六旬敬
奉不怠子一歲病癘氏延醫診治十有八載始愈
自奉儉約稍有餘輒周貧濟困現年六十有九

閔氏徐臯妻年二十五而寡長子四歲次一歲豕貧
矢志四十三載現年六十九歲

漆氏庠生洪啟城妻生子二長監生鎬次庠生錄尙
幼夫歿氏事姑教子守節四十載現年六十有九

漆氏廩生劉宗誠妻年十六于歸一十六夫故守節
四十二載現年六十有八

漆氏周廷果妻年二十七夫歿遺子二子之亨之泗守
節四十載現年六十有七

丁氏潘榮耀妻二十二歲夫故無子立子學成嗣守
節四十三載現年六十有五

朱氏馮繼占妻年二十一夫歿子德九未遇歲家無
恒產苦節四十二載現年六十有三

王氏吳元度妻年十八于歸逾年子從九秉哲生又

二年夫歿苦節四十載現年六十有一

金氏周廷繡妻年二十二夫歿無嗣苦節三十六載

現年五十有九

謝氏年十八歸洪蕙八載蕙亡逾月生遺腹子永仕

氏教子矢志二十六載現年五十有二

吳氏唐成珍妻年三十夫歿有數子相繼殤氏矢志

守節二十二載現年五十有二

余氏王洪妻二十一夫歿遺腹子明仁氏守節二十

二載現年五十有三

項氏林啟聖妻子歸而夫病侍湯藥衣不解帶年一

十八夫歿遺子之壽方五歲氏紡績度日苦節一

十六載現年五十有五

王氏朱紹輝妻年十六于歸越三載而寡遺一子庠

生衣多疾氏多方調攝教之成名苦節二十九載

現年五十有六

彭氏周廷珊妻年十六夫故以兄子之薰爲嗣守節

三十三載現年四十有九

余氏何興耀妻年十八于歸何已病痲風四年何卒

遺一子士堂翁以憂悵旋病卧亦不起諱氏侍翁
夫湯棄前後凡七年撫子成立守節二十五載現
年四十有七

鄭氏朱新書妻年二十結褵越五載夫出負販歿於
途氏聞與女往視曳之力不勝哀號慄慄行旅乃
相助舁而歸時子方一歲及長愴然無知氏矢志
不移守節三十載現年五十有五

陳氏周之煦妻年二十夫應郡試病歸屬纊時謂之
曰翁老無嗣爾將若何氏日以翁爲存亡耳夫

膜事衰翁十餘年哀毀如子以堂兄驟次子文晉
爲之嗣苦節三十載現年五十歲

李氏張懷萬妻年二十二而寡遺孤甫六歲姑年七
十食必進甘脆喪葬盡禮現年四十有九

徐氏吳苞妻二十九歲而夫亡守志現年六十有四
胡氏夏安國之妻年二十三夫歿氏奉姑撫幼苦節
四十二載現年六十有五

江氏張之鳳妻年十九而寡奉翁姑撫遺子保英身
任耕耨俯仰一身竭歷萬狀現年五十餘歲

商城縣志 卷之十一 三
詹氏周德昌妻年十九夫卒苦節三十餘載

姚氏宋愷妻十七歲于歸六載夫歿姑孀子幼氏日
耕夜績以給姑歿拮据營葬守節五十五載現年
七十有八

潘氏吳行杰之妻二十九歲夫故守節三十五載
年六十四歲

陳氏岳士任妻年二十八夫逝縫紉自給以胞姪
爲嗣苦節五十二載現年八十歲

湯氏李作楫妻十七歲歸李一載夫歿僅遺一女

志不渝紡績度日現年八十歲

吳氏桂豐年妻十九歲夫歿遺腹子振海越二十歲
海故媳改嫁又撫二孫成立家貧如洗耕耨度日
苦節五十四載現年七十三歲

彭氏余贊妻年十七適余一載夫故拮据事姑撫姪
元局成立苦節五十五載現年七十三歲

楊氏雷模妻年二十于歸四載夫歿一子夭繼胞姪
又亡貧苦無依倚兄楊其洪紡績自給苦節四十
八載邑令楊以節凜冰霜旌之現年七十三歲

張氏戚繼文妻年十四歸戚生子定貴二十一歲夫
歿爲翁姑持齋求壽紡績撫孤及翁姑相繼逝夫
兄令改嫁堅志不從守節五十一載現年七十二
歲

蔡氏喻在謨妻年二十夫歿家貧無依紡績自給苦
節五十載現年七十歲

劉氏趙士秀妻年十九夫亡子榮祖僅三齡苦節五
十一載現年七十歲

黃氏貢軌繼室嫁四載夫亡無出前室子秉道方十

歲撫之成立苦節四十五載現年六十六歲

楊氏諸生馮應綸繼室十九歲適綸二十一生一子
越三載綸歿時翁慎鎮平教諭致仕歸氏事奉維
謹撫前室子德浩與己子德淵無異守節三十載
現年五十四歲

張氏彭其顯妻年二十一于歸二十三夫歿無田園
乏子女紡績終年苦節四十五載現年六十有七
劉氏余開陽妻年二十二夫歿事孀姑撫幼子步雲
苦節三十二載現年五十有四

商州縣志 卷之十一
陳氏汪松之妻二十一歲夫歿遺子月輝甫四歲苦節四十餘載現年六十五歲

易氏黃必顯之妻年二十七夫歿撫二子崇守崇德現年六十三歲

張氏柯增恕妻二十八歲夫歿遺子方二歲採薪度日苦節三十四載現年六十三歲

黃氏武生徐堯妻二十七歲夫逝守節三十三載現年六十一歲

程氏陳椿妻二十五歲而寡遺一女柏舟自矢歷節

三十五載現年六十歲

程氏黃必湖妻二十五歲夫亡事翁姑維謹撫子崇椿成立守節三十五載現年六十歲

易氏郭勳妻年十八于歸二十六夫故事翁姑撫幼子守節三十五載現年六十歲

石氏王世瓌妻光州太學生石啟烈女年二十二夫歿一子又殤以姪承簡嗣苦節三十八載現年六十歲

張氏王興禮之妾夫故遺子二斗明斗昌斗明爲夫

兄興仁嗣苦節三十載現年六十歲

涂氏皮時禮妻二十九歲夫故紡績撫子苦節三十載現年五十九歲

許氏楊如禧妻年十七適楊二十五歲夫歿遺孤方八月事太姑及翁姑曲盡婦道紡織不懈撫子立品成立守節三十二載現年五十七歲

王氏黃必鴻妻二十六歲而寡子崇梅方數月氏去姑撫幼守節三十載現年五十六歲

劉氏朱足法妻年十九夫亡于汝椿方週歲苦節

十五載現年五十四歲

洪氏倪作聖妻年二十而孀遺子聯登聯科俱幼矢志守節歷三十三載現年五十三歲

李氏武生湯振清妻十九歲夫故遺子發祥年十九歲歿撫孫成立苦節三十三載現年五十二歲

徐氏生員劉永江妻年二十五夫故無嗣以夫弟文照四歲子承嗣苦節二十五載現年四十九歲

徐氏黃巨達妻年十七于歸三載夫歿子士貞甫週歲苦節三十三載現年五十三歲

周氏謝士珽妻年十七于歸二十二歲夫病刲股和藥無效夫歿事翁姑教嗣子苦節二十六載現年四十八歲

胡氏庠生馮愷繼室年二十適愷持家勤儉二十五歲夫亡前室遺一女僅二齡氏撫之如已出及二子成立家計遂不復問設粥施棺惠流鄉井善行更難僕數子二若愚候選分司應緝業儒守節四十一載現年六十六歲嘉慶八年請旌

... 載現年六十六歲嘉慶八年請旌

姑至孝訓子極嚴長女適監生陳家鏗次子張惟
翼未于歸以烈女聞乾隆甲寅 旌如例子兆典
候選分司氏守節三十五載現年六十歲嘉慶八
年請 旌

李氏庠生馮應綬妻年十六適綬二十五歲綬故撫
三子成立長玉山候選分司次扶青入膠庠三德
峽亡媳李氏撫遺腹子亦以節著氏守節三十一
載現年五十六歲嘉慶八年請 旌

邱氏劉清妻年十八于歸二十二歲夫故事姑撫幼

南城縣志 卷之十一
三
苦節二十八載現年五十歲

徐氏吳順之妻二十二歲而寡守節四十三年現年六十五歲

楊氏王湘蘭妻夫故撫子珊成立守節三十五年現年六十四歲

高氏周應發妻年二十三夫歿子瑤二十九歲歿孫建康二十三歲又歿遺媳彭氏孫媳徐氏三世守志繼曾孫殿鈿爲嗣現年七十六歲

汪氏生員洪鏞妻年十七于歸二十二歲夫故守節

現年五十六歲

張氏熊景麟妻撫子湘成立苦節四十四載現年六十九歲

陳氏李思賢妻家貧撫一孫苦節五十載現年七十五歲

余氏王洪妻年十七于歸二十二歲夫故無子立嗣子學成守節四十三載現年六十五歲

熊氏熊家滙之女少許字王煜曾之子世璿年十八未婚璿卒訃聞女矢以死殉累四日夜水漿不入

口越翊日姑來勸之則請隨姑歸兩家知不可強
如其請氏哀服歸夫家襄葬事盡禮無何煜會逝
夫之弟世璣亦歿立嗣子承志而家中貧氏躬
自操作事繼始教嗣子守貞二十五載現年四十
五歲

周氏王永榮之妻年二十夫歿無子奉事翁姑現年
五十一歲嘉慶七年請旌

丁用章妻年二十夫歿遺腹產一子子十六歲

節旌

汪氏趙秉彝妻年十九夫歿事翁姑撫子樹勳成立
現年五十二歲嘉慶七年請旌

謝氏楊文鵠妻年三十鵠歿育二子恒並日一食既
而相繼沒一女適鮑姓亦寡胞姪嗣荆迎養於家
苦節三十五載現年六十五歲

奈氏余萬金之妻年二十四夫歿遺腹子天柱越兩
月始生矢志撫孤守節三十年現年五十三歲

王氏汪中立妻年十七于歸三年而夫歿子璵方週

歲氏撫之成立苦節四十載現年六十歲

楊氏高其萃之妻年十九于歸五載夫故生一子紡績度日苦節二十七載現年五十一歲

薛氏余克勤妻年十六于歸三十歲夫故守節現年五十四歲

周氏葉鋼妻年二十五夫歿守節三十一載現年五十六歲

吳氏張萬明妻年二十三夫歿現年六十八歲嘉慶元年廩生程則明增生余徽猷附生余啟甲余風

舉余徽音呈請 旌表如例

朱氏許必恒妻年二十四歲夫歿現年五十八歲嘉慶五年廩生楊嗣寶增生王世瑜附生高其度湯聘三楊清魁呈請 旌表如例

楊氏黃思健妻 周氏黃思倬妻

徐氏沈忠立妻 王氏熊傳錄妻

漆氏劉 鑾妻 賈氏周之綸妻

朱氏周維信妻 張氏葉長生妻

楊氏柏 珊妻 楊氏熊傳築妻

劉氏彭 宦妻

王氏王永仁妻

王氏吳啟型妻

李氏張士廉妻

王氏漆思瀚妻

黃氏何德璋妻

王氏楊式典妻

李氏趙興來妻

萬氏姜 妻

吳氏監生彭紹先妻

李氏洪 全妻

吳氏熊傳品妻

董氏楊 吉妻

陳氏楊蔚然妻

馮氏余 讓妻

汪氏楊廷寶妻

楊氏監生高琿妻

漆氏吳敦誥妻

王氏吳敦文妻

熊氏黃才文妻

王氏黃思謨妻

李氏黃廷佐妻

以上三十二人皆年未三十夫死守志惟現在在
歲尙不符例

附壽婦 凡七人

花氏余鐸之妻善事公姑持家勤儉好善樂施
佃遺少婢訓子孫以寬厚爲要子一監生履
四曾孫十元孫九一堂五世年九十有五

蕭氏史國籍妻性淑惠嫻內外周恤親隣至老

子可遠維邦監生孫五人會孫六人元孫七人至
世一堂年九十有八猶勤紡績里黨賢之

胡氏許作相妻幼嫻姆訓長勤紡績務儉約好施與
子澆孫庠生克英會孫四元孫一五世一堂年九
十有三

李氏孫家通妻年十九適孫二十六歲夫亡上事
姑下撫弱息苦節六十餘載子世麟孫象吉均入
庠會孫六元孫 五世一堂現年九十一歲

吳氏羅叙妻先是翁璧生子不育以長房子秩爲己

子繼生叙以歸而璧已逝奉姑周色養備至恊妯
娒事後嫂朱尤謹事必稟命而行推髻搵作數十
年如一日嫂歿主家政子女姪娣婚嫁之事經紀
得宜延師課子孫凡飲饌之供膏油之具必躬必
親不假奴婢現年七十餘歲子孫林立人稱壽母
申氏貢生高熙之妻申建功之女十九歲夫故守節
現年一百歲

葛氏監生王希任之妻現年八十九歲五代同堂子
監生王格孫五人作屏庠生曾孫光甲等六人元

孫前貴方二歲

〔按〕例載各直省有同堂五世者查奏加

恩又載百歲壽婦建坊

旌表並給與貞壽之門字樣茲纂列女志得壽婦若干人
因別著於編以昭人瑞